



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 15. Primatus Ecclesiæ Viennensis.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.
A.C. 1119.

litæ, Jurisdictione, concesserat. Sed Stephanus, suprema avunculi sui Dignitate & favore elatus, Sedem suam Episcopalem in Metropolitanam erigi posse sperabat. Itaque Bruno, ut diximus, ad Papam, Augustoduni commorantem, perveniens, & humanissime exceptus, ibidem cum Pontifice Festa Natalitia Domini celebravit. Elapsis illis diebus, Papam Cluniacum comitantem secutus, ibidem Indulgentiam peccatorum suorum & confirmationem privilegiorum suæ Ecclesiæ, inprimis exemptionem ab auctoritate omnis Legati, excepto Legato a Latere, obtinuit. Hoc Decretum tertia Januarii anno millesimo centesimo vigesimo datum est.

§. XV.

Primatus Ecclesiæ Viennensis.

Callistus Papa Ecclesiam Viennensem quoque, in qua sederat, priusquam in Cathedra Romana collocaretur, singulari privilegio decorare constituit. Vienna jam diu Regni Burgundici Capit, & Archiepiscopus Viennensis ejusdem Regni Cancellarius erat, cui Rudolphus III. Rex anno millesimo vigesimo tertio illius urbis Comitatum donavit. Callistus vero Papa Ecclesiæ Viennensi Primatum in septem provincias contulit, data Bulla, ad Canonicos ejusdem

Marca de Prim. Lugd. n. 132. 133.



Sæcul. XII. Ecclesiæ directæ, in qua dicit: *Ecclesiæ*
 A.C. 1120. *itaque Viennensi omnem Dignitatem,*
 Call. ep. 3. *quam per authentica privilegia Antecesso-*
rum nostrorum Silvestri, Nicolai, Leonis,
Gregorii & ceterorum Romanorum Pon-
tificum, vel per Imperatorum, Regum,
aliorumque Fidelium largitionem accepit,
concedimus & confirmamus; ut videlicet
super septem provincias, Viennensem, Bi-
turicensem, Burdegalensem, Auxitanam,
Narbonensem, Aquensem, & Embrodi-
zensem, Primatum obtineat. In his pro-
vinciis Archiepiscopus Viennensis Romani
Pontificis vices agat, Synodales Conven-
tus indicat, & negotia Ecclesiastica desi-
niat. Tarantasiensis Archiepiscopus Vien-
nensi tanquam Primati suo obediat, Vien-
nensis autem nulli Legato, nisi Roma a La-
tere missõ, subsit. Hæc Bulla vigesima
sexta Februarii anno millesimo centesimo
vigesimo, Valentia, cum Papa in Italiam
iter faceret, data legitur.

Silvestri Papæ Privilegium, cujus in
 hac Bulla mentio fit, supposititium esse
 Ap. Bosc. 2. constat, nec aliud in eo præcipitur, quam
 p. 27. ut Episcopi ceterique Clerici, qui ex
 Gallia & septem provinciis venerint, li-
 teras Formatas ab Archiepiscopo Vien-
 nensi accipere teneantur. Septem pro-
 vincia a reliqua Gallia distinctæ antiquis
 nominibus designantur, & eadem sunt,
 quas Callisti Papæ Bulla recenset. Quod
 vero

vero ad provinciam Tarantasiensem, ab illis septem separatam, spectat, eam, vestigiis S. Leonis Papæ insistens, Viennensi subiecit. Porro cum inter Archiepiscopos septem illarum provinciarum duo, nempe Bituricensis & Narbonensis, jam antea Titulo Primatis gauderent, inde Archiepiscopus Viennensis occasionem se se Primatem Primatum dicendi captavit, qua formula hodieque utitur. Ceterum ejus Primatus semper simplex Titulus sine effectu fuit, qui sola hac Callisti II. Bulla, falsis opinionibus superstructa, quin Pars altera ad Judicium vocata fuerit, nititur, nisi quod Ecclesiæ Diensis & Vivariensis Metropoli suæ Arelatensi subtractæ & Ecclesiæ Viennensi, juxta numerum Suffraganeorum, in hac Bulla nominatorum, subiectæ fuerint.

§. XVI.

Callistus Papa Romæ.

Callistus iter suum profecutus Magalonom seu Montempessulanum pervenit, indeque ad S. Ægydium. Tum peragratis Provinciæ * partibus, & alpibus superatis Longobardiam attigit, & undique confluentibus populis, ut legitimus Papa, magno devotionis affectu exceptus est. Inde in Tusciam progressus, cum civitati Lucensi appropinquaret, milites obsequii & honoris causa occurrerunt,

Sæcul. XII.
A.C. 1120.

Sup. lib. XXVII.
S. 45.

* Provence.
Pandulf. ap. Baron.